



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. V. Referuntur Theologorum sententiæ, & prima rejicitur,

[urn:nbn:de:hbz:466:1-77232](#)

transcendentalem, aliasque rationes, ad ordinem physicum, & lineam entis pertinentes, ut infra dicemus: Ergo quamvis Deus possit movere physique voluntatem ad materiale peccati materialiter sumpturn, non tamen potest eam moraliter ad illud mouere, per consilium, praeceptum, suasionem, inspirationem &c.

172. Ex quo intelliges, quod cum in sacra Scriptura 2. Regum 16. dicitur, quod Dominus praecepit Se mei, ut malediceret David: praeceptum ibi sumitur pro permissione. Sicut quando Deus dicitur indurare aut excercare, idem est ac si diceretur, permittere execrationem, aut indurationem. Item cum Christus Joan. 15. Iudez ante traditionem & venditionem dixit, quod facis fac ceterius, non praecepit illi immane factilegium proditionis, & venditionis. Nam secundum aliquos, illud imperativum continet exhortationem mali quod animo conceperat Judas. Secundum alios, non precipit actum ipsum, sed accelerationem: non enim (inquit) est malum inducere aliquem praecepto aut consilio, ad exequendum congruo tempore peccatum quod est paratus committere, ut possit ex eo sumi occasio boni. Secundum alios praecepit separationem ab aliis Apostolis, non vero venditionem ipsam: unde subdit, & exiuit continuo. Denique juxta alios, solidus significat permissionem. Ita D. Thomas super illum locum, & D. Augustinus Tractatu 61. in Joannem.

173. Similiter dum Matth. 5. dicitur: Audistis quia dictum est, diliges proximum tuum, & odio habebis inimicum tuum: non significatur odium inimicorum fuisse aliquando in antiqua lege praeceptum (quidquid in contrarium dicat Maldonatus) quia alias vitari non posset, quin Deus esset causa mali, cum ipse veterem legem condiderit, & eam per Moysis ministerium populo tradiderit. Significatur ergo solidum, fuisse deductum a Iudaeis, odio habendos esse universitatem inimicos, ex eo quod Deus illis praeceperat ut amicos diligenter, & Gentes quasdam tanquam ihsimicas persequerentur, & perderent. Unde idem est ac si diceretur: Audistis quia dictum est antiquis: diliges proximum tuum (per malam consequentiam Pharisaeorum deductum) Et odio habebis inimicum tuum. Ego autem dico vobis, diligite inimicos vestros.

§. V.

Referuntur Theologorum sententiae, & prima reiicitur.

174. R Ejectis hæreticorum erroribus, quid Catholici circa propositum difficultatem sentiant, breviter declarandum est, & verior, ac probabilius sententia eligenda.

Prima ergo opinio docet Deum non concurrere positivè, sed tantum permisive ad materiale peccati. Ita olim docuere quidam antiqui Theologi relati à D. Thoma in 2. dist. 37. quest. 2. art. 2. & ab Alberto magno ibidem dist. 35. art. 7. Hos postea secuti sunt Aureolus & Durandus, qui immediatum Dei concursum ad operationes causarum secundarum sustulerunt. In eandem sententiam inclinare videntur quidam Recentiores, quos citat, & sequitur Salas 1. 2. titulo 13. disp. 10. sect. 2. qui negant actum peccati, etiam pro materiali acceptum, & quantum ad id quod habet entitatis, & actualitatis, positivè cadere sub divina providentia, sicut cadunt alii effectus naturales.

Tom. I.

A Secunda opinio admittit quidem Deum ad materiale peccati positivè concurrere, docet tamen hunc concursum non esse præviū, & determinantem; sed simultaneum, ac indifferente, & à voluntate creata ad speciem actus determinari, licet eam ad individuum determinet. Existimat enim Authores hujus sententiae, quod si Deus prævio concusfu in materiale peccati influeret, attingeret etiam (secundario saltem & indirecte) malitiam & deformitatem illi annexam, & consequenter esset author & causa peccati: quod est in incidere in errorem Calvini, jam impugnatum, & divine sanctitatis (ut aiunt) famam detergere. Ita docent Molina, Suarez, Lefsius, & alij Recentiores communiter,

B C D Tertia sententia, qua in Schola D. Thomæ communis est, & quam, ut infra ostendemus, aptè profiteretur ipse Angelicus Doctor, ejusque Magister Albertus magnus, existimat dignitatem prima cause, primi principij, & primi moventis (qua in Deo nihil nobiliss., & praestantiss. est) non posse salvari per concursum purè simultaneum & indifferente, à voluntate creata determinabilem, sed tantum per concursum præviū, & prioritate naturæ & causalitatis, determinacionem liberi arbitrij antecedentem. Unde cum sine præjudicio fidei negari non possit, Deum esse prius causam, & primum principium illius entitatis, actualitatis, & bonitatis transcendentalis, qua in materiali peccati imbibitur (alioquin admittenda essent plura rerum prima principia, quod est in Manichæorum heresim incidere, & primo Symboli nostra fidei articulo, quo Deum creatorē & factorem omnium visibilium & invisibilium profitetur, contradicere) consequenter docent, Deum in materiale peccati materialiter sumpturn, & in actus peccatorum, quatenus actus & entia sunt, non solidum simultaneo, sed etiam prævio concurso influere, & voluntatem creatam ad producendam entitatem, actualitatem, & alias rationes ad ordinem physicum, & lineam entis pertinentes, prædeterminare, & applicare. Quia tamen concusus ille præcisus est, & sit in intra ordinem physicum, & formalitates tantum ad illum ordinem spectantes attingit, Deus non est, nec potest dici causa peccati, nec divina sanctitas ullum infertur prejudicium. Hanc sententiam sic explicatam testatur Dominicus Soto in libris de natura & gratia in Concilio Tridentino editis, & à Legatis ipsius Concilij approbat, fuisse ab omnibus Theologis sui temporis unanimi consensu receptam. Nam lib. 1. cap. 18. circa finem, sic habet: Haud eidem diffinuntur Theologi, entitatis (ita vocant) qua est peccatum, Deum esse causam, eo efficiente genere, quo cuncta & animalia & inanima, ad suas naturales actiones permoveat.

E Dico ergo primo, Deum non solidum permisive, sed etiam positivè, concurrere ad actum peccati, quatenus est ens, & actus physicus & vitalis. Ita communiter Theologici cum D. Thoma 1. 2. quest. 79. art. 2. & in 2. sent. dist. 37. quest. 2. art. 2. ubi sententiam oppositam, assertentem peccatum, sub ratione entis & actus, non esse à Deo (quam ipsius tempore tenebant quidam Theologi) dicit esse propinquissimam dupliciti errori. Et Albertus magno ibidem dist. 35. art. 7. inquit quod hec opinio qua obsinuerat plures antiquorum, ferè cessit ab aula, & à multis modernorum reputatur heretica. Idem Docet D. Anselmus lib. de concordia præscientie & prædestinationis cap.

Vuu ij

7. ubi hæc scribit: *Omnis qualitas vel omnis actio, & quidquid aliquam habet essentiam, à Deo est, à quo est omnis iustitia, & nulla iniustitia.* Facit igitur Deus omnia que justa vel iusta voluntate sunt: id est bona opera, & mala. In bonis quidem facit quod sunt, & quod bona sunt: in malis verò facit quod sunt, sed non quod mala sunt.

178. Probatur ergo conclusio ratione fundamentali, quam tangit D. Thomas locis citatis. Omnis entitas, & actualitas creata, in Deum ut in primum ens, & primum actum, debet reduci: Sed entitas quæ includitur in actu mali & peccaminoso, est creata & participata, & actio peccati est aliqua actualitas potentia, & aliquis actus secundus physicus & vitalis: Ergo peccatum in ratione entis & actus, à Deo tanquam à primo ente, & primo actu debet immediate procedere.

179. Confirmatur: Si Deus non concurreret effectivè, sed permissivè tantum, ad entitatem, & actualitatem quæ est in peccato: sequeretur dari in rerum natura aliquod ens creatum & participatum, quod subterfugeret divinam causalitatem, & omnipotentiam, & quod Deum ut creatorum, & primum principium non agnoscet, sed reduceretur in voluntatem humanam, tanquam in primam causam; quod est errore, & repugnans primo Symboli articulo, ut constat ex supra dictis. Unde Anselmus: *Audacia est dicere, aliquid esse ens quod non sit ab ente primo:* Ergo &c.

180. Dices: Ominem entitatem creatam esse à Deo, vel permissivè, vel positivè. Illa enim quæ est conjuncta cum bonitate morali, est à Deo positivè concurrens, & influente: ea vero quæ habet malitiam & deformitatem moralem annexam, est à Deo solum permissivè.

Sed contra primò: Implicat entitatem aliquam creata poni in rerum natura, & acquirere verum & reale esse extra causas, per nudum permissum Dei, & sine influxu positivo illius; permissio enim est sola negatio impedimenti: pura autem negatio non potest dare esse physicum & reale: Ergo &c.

Secundò, ut arguit S. Doctor in 2. dist. 37. quæst. 2. art. 2. in argum. sed contra. *Quidquid non est causa operationis per quam aliqua substantia in esse producitur, non est causa illius substantia.* Sed per aliquam actionem peccati, substantia quedam in esse producuntur, sicut per adulterium & fornicationes homines generantur. Si ergo harum actionum Deus causa non est, in quantum actiones sunt, nec hominum, qui per has actiones generantur, est causa: quod est absurdum.

§. VI.

Ex Scriptura & SS. Patribus demonstratur, Deum non solum simultaneo, sed etiam prævio cursu, ad materiale peccati concurrens.

181. Dico secundò: Deum non solum simultaneo, sed etiam prævio concursu, in materiale peccati influere: seu movere & applicare voluntatem, & alias potentias, ad producendam entitatem, actualitatem, vitalitatem, bonitatem transcendentalē, aliasque rationes ad ordinem physicum, & lineam entis pertinentes, quæ in materiali peccati reperiuntur imbibit.

Probatur primò conclusio: Secundum Scripturam & SS. Patres, articulo præcedenti §. 8. relatōs, Deus ab æterno prædefinivit omnes actiones & passiones Christi Domini, & consequenter ejus crucifixionem: Sed illa erat actio intrinsecè

A mala, immo & omnium pessima: erat enim non solum homicidium, sed etiam, ut ita dicam, Delicidium: ut pote occisio hominis subsistentis per subsistentiam divinam: Ergo secundum Scripturam, & SS. Patres, divina sanctitati non repugnat prædefinire actus intrinsecè malos; non quā mali sunt, sed ut actus & entia sunt; & voluntatem creatam movere, & applicare, ad attingendam entitatem, actualitatem, & bonitatem transcendentalē, quæ in illis actibus reperiuntur imbibitæ.

B Respondet Suarez in opusculis libro 2. de concutu Dei cap. 5. crucifixionem Christi, prout erat actio elicita à Judæis (sub qua ratione erat mala & peccaminosa) non fuisse à Deo prædefinitum, sed solum quatenus erat passio in Christo recepta: quia sub hac formalitate erat bona, & meritoria, ac satisfactoria pro peccatis nostris.

C Sed in primis hæc responsio aperte contradicit Scripturam: dicitur enim Actorum 2. *Hunc (scilicet Iesus) definito consilio & præsencia Dei tradidimus, per manus iniquorum affigentes interemistis.* Nam ibi, non solum passio in Christo recepta, sed etiam actio affigendi Christum à Judæis elicita, tribuitur divino consilio, ejusque definitioni, & decreto. Unde etiam cap. 4. ad idem propositum additū: *Convenerunt Herodes, & Pontius Pilatus, cum Gentibus & populis Israel facere, qua manus tua, & consilium tuum decreverunt fieri: scilicet crucifigere Christum.*

D Secundò contra hanc responsionem militant verba Augustini de corrept. & gratia cap. 7. ubi loquens de Apostolis ait: *Electi autem sunt ad regnandum cum Christo, non quomodo electus est Iudas ad opus cui congruebat.* Ab illo quippe electus est, qui novit bene ut etiam malis, ut per ejus opus dannabile, illud propter quod ipse venerat opus venerabile completeretur. Cū itaque audimus: nonne ego vos duodecim elegi, & unus ex vobis diabolus est? illos debemus intelligere electos per misericordiam, illum per judicium. Illos ergo elegit ad obtinendum regnum suum, illum ad effundendum sanguinem suum. Atqui effundere sanguinem Christi, non dicit solum passionem in Christo receptam, sed etiam veram & propriam actionem: Ergo passiones Christi, non solum sub ratione passionum, sed etiam sub ratione actionum, fuerunt à Deo prædefinitæ.

E Tertiò hæc responsio præcipuum Adversarium fundatum evertit: cùm enim actio & passio secundum Philosophos realiter identificentur, & sint una & eadem entitas, quæ habet diversos modos & formalitates: minis inter se distinguuntur, quām entitas peccati, quæ ad ordinem physicum pertinet, & ejus malitia & deformitas, quæ spectat ad ordinem moris, & quæ secundum plures Theologos non est aliquid positivum, sed pura privatio. Unde si non obstante illâ intimâ connexione, immo & reali identitate, quæ inter actionem & passionem reperitur, potuit Christi crucifixio, sub ratione passionis, à Deo prædefiniri & causari, absque eo quod sub formalitate actionis ab illo prædefiniretur, à fortiori, eadem crucifixio, sub ratione entitatis & actualitatis, potuit à Deo prædefiniri & causari, absque eo quod talis prædefinitio, vel causalitas, ad ipsam malitiam & deformitatem se extenderet. Et sic prædefinitio actuum malorum, ut actus & entia sunt, non derogat divina sanctitati, ut contendunt Adversarij.